



Aalkoe-rohkelassh

Klahke-liturge jallh abpe aalmege aalkoe-rohkelassem rohkele. Gosse sãdtoe-boejhkesjimmie aalkoe-rohkelasine aktine, dellie klahke-liturge aalkoe-rohkelassem rohkele, jìh aalmege sãdtoe-boejhkesjimmie rohkele.

1

KL | Jupmele, dov aejlies gãatan libie tjaangeme dãastoehtidh dam maam datne sijnth mijjese vedtedh.
Rihpesth mijjen vaajmojde
guktie mijjen jaahkoe dutnjien orrestãvva.

2.

KL | Aejlies Jupmele, dov aãredæjjan uvte libie tjãanghenamme dov gieriesvoetem jìh saetniesvoetem dãastoehtidh.
Raajh dov Voejkenem mijjese, jìh rihpesth mijjen vaajmojde guktie dãastoehtibie dam maam datne mijjese vadtah. Baajh dov baakoem mijjen vaajmojde sjìdtedh guktie Kristuse mijjesne jeala, jìh mijjeh datnine aktanibie jìh datnem gaajhkine dïenesjibie.

3.

KL | Buerie Jupmele, datne guhte hïegkem gaajhkide vadtene mah jielieh, datnem heevehtibie eatnemen tjaebpiesvoeten ãvteste jìh gaajhki ãvteste mah vuesiehtieh datne boerehke.
Dov aãredæjjan uvte rohkelibie: Rihpesth mijjen bieljide guktie goltelibie gosse soptsesth. Vedtieh mijjese vaajmoeh mah datnem gijhtieh dov buerievoeten ãvteste. Jìh vedtieh njoektjemh jìh gieth mah dov ãavtoej bijre vïhnesjieh.

4.

KL | Jupmele, dov aejlies gãatan tjaangeme dãastoehtidh dam maam datne Jupmele Aehtjie, mov sjugniedæjja,
datne Æjvie Jeesuse, mov lutniestæjja,
datne Aejlies Voejkene, mov soelkedæjja jieliemisnie jìh jaemiemisnie, sijnth munnjien vedtedh.
Rihpesth mov vaajmoem dov Aejlies Voejkeninie guktie mov sãdtoej gielhtie sorkem jìh dov aarmose vaetestem jìh fierhten biejjien dov aejlies aalmege aktine saetnies jìh aejlies jieliemasse orrestovvem.

5.

KL | Jupmele, daesnie Leah.

G | **Jupmele, daesnie Leah.**

KL | Datne mijjem faerhmesth.

G | **Datne mijjem faerhmesth.**

KL | Steerh mijjem gïeteste.

G | **Steerh mijjem gïeteste.**

6.

Gosse daam rohklassesem rohkelibie, dellie sådtojde aaj boejhkesjibie. Dan gielhtie maehetebe sådtoe-boejhkesjimmie (5 Sådtoe-boejhkesjimmie) gervedh.

Liturge, klahkeliturge j'ih åålmege rohklassesem laavloeh.

L | Gaerteles Jupmele, datne orre hiegkem mijjese vadtah gosse lååvkesovvebe. Aejlies laavkoemisnie kroessine mïerhkelgibie dov maanine årrodh.

KL | Dov maanah libie. Orresth daan biejjien mijjen jaahkoem j'ih mijjen gïeresvoetem.

Liturge tjaetsiem golmen aejkien gååjve goh laavkoemisnie.

L | Jupmele, dov dååjvehtassh tjuevkieh guktie aatjan gïerese tjuavka – datne dåajvohtamme j'ih mijjine sjiehtedamme –

KL | Dov gåajkoe mijjen gyjhtelassine j'ih laavloeminie båetebe.

Åå | **Dov gåajkoe mijjen gyjhtelassine j'ih laavloeminie båetebe.**

KL | Datne mijjen håhkie.

Åå | **Datne mijjen håhkie.**

L | Datne mijjen biejjide damth. Datne gaajhkem daajrah.

KL | Dov syjhtedem j'ih dov stillemidie libie meadteme.

Åå | **Dov syjhtedem j'ih dov stillemidie libie meadteme.**

KL | Jupmele, gïerth mijjem.

Åå | **Jupmele, gïerth mijjem.**

L | Datne Jeesusem kroepsteste lutnjestih.

Gosse lååvkesovvebe, dellie orre jieliemasse lutnjestovvebe Jeesusinie aktine.

KL | Jupmele, dov dååjvehtassh tjuevkieh goh aatjan gïerese tjuavka.

Åå | **Jupmele, dov dååjvehtassh tjuevkieh goh aatjan gïerese tjuavka**

KL | – datne dåarjvohtamme j'ih mijjine sjiehtedamme.

Åå | – **datne dåarjvohtamme j'ih mijjine sjiehtedamme.**

7.

Gosse jijnh maanah gyrhkesjeminie, daate rohkelasse sjeahta.
Måedtie maanah maehtieh åålmegeu uvte tjåadtjodh jih vuesiehtidh guktie åålmege aaj
maahta darjodh.

Gïetide lutnjestibie

KL/L | Gieries Jupmele, datne mijjen luvnie.
Årroeh mijjen tjoevke.

Gïetide kroessehtahkine mielken uvte steerebe

KL/L | Gieries Jeesuse, datne mijjine aktine vaadtsah. Baajh mijjem dov
raeffesne jielehdh.

*Gïete-låapojde sinsitniem vööste jih soermide bæjjese, mielken uvte
steerebe*

KL/L | Gieries Jupmele, datnem mijjem vuajnah.
Dåastohth mijjen åssjalommesh jih rohkelassh.

Gïetide geelkedh jih gïete-låapojde bæjjese

KL/L | Gieries Jeesuse, datne mijjen gieth vaaltah dov gïeten sïjse.
Vuesehth dov buerie baalkam.

Lihkesadtjem gïeteste steeredh

KL/L | Buerie Aejlies Voejkene, datnem gijhtebe juktie datne mijjine
aktine. Viehkehth mijjem sinsitniem gieriesvoetine vuartasjidh.

8.

KL | Aejlies Jupmele, datne gie mijjese hïegkem vadteme:
Datnem gijhtebe juktie mijjem dåastohth gosse lååvkesovvimh
jih mijjem aejlies maalestahkine nænnosth.
Vaedtsehth mijjem dov aejlies baakojne jih vuesehth mijjese
maam sijhth edtjebe darjodh.

9.

Gærhkoe-jaepien sjïere rohkelassh aalkoe-rohkelassine.

Adveente

Jeesus Kristusem vuertebe.
Båata jemhkelen faamojde håajhtodh.

(1)

Jupmele, dov aejlies gåatan libie tjaangeme dåastoehtidh dam maam datne sijnth vedtedh.

Jeesus Kristusem vuertebe.

Båata jemhkelen faamojde håajhtodh. Rohkelibie:

Rihpesth mijjen vaajmojde,

guktie mijjen jaahkoe dutnjien orrestávva.

(2)

Aejlies Jupmele, dov åaredæjjan uvte libie tjåanghenamme dov geriesvoetem jñh saetniesvoetem dåastoehtidh.

Jeesus Kristusem vuertebe.

Båata jemhkelen faamojde håajhtodh.

Rohkelibie: Seedth dov Voejkenem mijjen gåajkoe

guktie dåastoehtibie dam maam datne sijnth mijjese vedtedh.

Baajh dov baakoem mijjen vaajmose sjødtedh

guktie Kristuse mijjine jeala, jñh mijjieh datnine aktanibie jñh datnem iktesth dienesjibie.

Jåvle-biejjieh

Stroehte-iehkede

Datne maanam gie kråbposne vealan, dan jijnen vedtih gosse eengkelh gorredimmien jñh raeffien bijre laavloejin.

Jåvle-biejjie

Datne baajih Baakoem almetjinie sjødtedh jñh mijjen luvnie årrodh gosse Kristuse, mijjen Lutniestæjja, reakadi.

Orrejaepien biejjie

Datne gorredimmien jñh raeffiem vadtah Jeesusen nommine, jñh datne orrejaepien mijjine aktine vaadtsah.

Dååjrehtimmie-biejjieh

Kristuse dov hearlohkevoetem vuesehte.

Jeesuse veartenen tjoevke mij gaajhkide åålmegidie tjuavka.

Faastoe

Dåeriedimmie

Datne mijjem stillh Jeesusem dåeriedidh,

Jeesusem, gie gaajhkem mij altese lij, hiejhtieji datnem dienesjidh.

Vaejvie

*Datne mijjese Jeese vedtiejih mijjem gorredidh jih raeffiem vedtedh.
Altese jaememe hiegekem jih mijjen sådtoej luejhtiemassem vada.*

Maarjan biejjie

*Datne reerijidie åajvemes tjaahkes-sijjeste jurrieldih jih viesjies almetjidie
lutjestih. Datnem gijhtebe Maarjan åvteste gie veartenen gorredæjjam
baersieldi.*

Påaske-biejje

Datne Jeese kroepteste lutnjestih jih jaemedden faamoem hâajhtoejih.

Kristusen elmievoelkove-biejje

*Datne dov baerniem, Jeese Kristusene, bijjedih jih altemse dov åelkies
gieten bealan tjihkehtih.*

Pængste-biejje

*Datne dâlle-gomtjelh learohki aatsolen seedtih jih learoehkidie dov
Voejkenie dievhtiejih.*

Golmelaaketje-biejje – siejme

*Datne dov rijhkem Jeese Kristusene vadteme,
jih mijjem dov Voejkenie stillh jaekedh jih dienesjidh.*

Sjugniedimmie biejjie

*Datne dov Voejkenie seedtih jih dellie jieleme sjugniedovvi.
Datne eatnemem orrestahtah, jih mijjem buerie vadtesigujmie gillehth.*

Åvlh-såhkoeh

*Datne dov dijre-guedtidie stillh
kroesse-væhtam mijjese tseegkedh.
Datne baajh faamoem våajnedh mij viesjiesvoetine illesåvva.*

Saangerdimmie jih rokelassi biejjie

*Datne mijjen sådtojde mijjeste luajhtah
jih mijjem stillh fierhten biejjien dov gåajkoe jarkelidh.*

Aejlieskottji mæssoe

*Datnem gijhtebe dej åvteste gieh buerie-ræjhtoem rijhtestalleme,
rohtedimmie galhkeme jih jaahkoem vaarjelamme.
Dov luvnie mijjen ihkuve ulmie.*

Aejlieskottji mæssoe / Mojhtese-biejje / Gærhkoe-jaepien minngemes

aejlege

Datne voestes leah j'ih minngemes leah.

Dov aarmoe lea mijjen háhkoe j'ih mijjen soelkehtasse.

Skylleme-biejje

Datne mijjem laavkoemisnie dáastohth

j'ih fierhten biejjien mijjine aktine leah.

Saemiej áålmegebiejje j'ih suehpeden 17. biejjie

Datne veartenen gaajhkide áålmegidie stilleme aktine árrodh j'ih raeffesne j'ih riektesvoetesne jieledh.

Riektesvoeten j'ih raeffien biejjie / Njoktjen 8. biejjie / Suehpeden voestes biejjie.

Datne gaajhkide almetjidie dov guelmien mietie sjugniedamme j'ih mijjem stillh almetjen vyörtegsvoetem vaarjelidh.

10.

Guktie aalkoe-rohkelassh maehtieh ovmesse lehkesne árrodh

(Vuartesjh aalhtere-gærjam Nöörjen gieline)

11.

Aalkoe-rohkelasse gosse neavroe

Gosse neavroe jallh ovlæhkoe tjíeltlesne, nasjovnesne jallh veartanisnie j'ih áålmege dam govleme, dellie sjeahta neavroen bijre soptsestidh j'ih gyrhkesjimmien aalkovisnie rohkelidh.

Gosse ajve sáemies neavrosne leah, dellie buerebe sjeahta dej ávteste rohkelidh gosse áålmege gærhkoen rohkelasse lohkesávva.

Akte jallh jeenebh baakoeh Bijpelistie maehtieh lohkesovvedh. Vuesiehtimmien gaavhtan: Saalm 130, 1–2; Saalm 38, 22–23; Saalm 44, 25–27; Saalm 10,1; 12b; 14.

Gosse Bijpelelistie lohkesávva, dellie liturge maahta naemhtie aelkedh:

L | *Ibie maehtieh tjíelkedh dam maam ibie guarkah. Bijpielisnie maehete baakoeh gaavnedh mijjen aejvierdimnese j'ih rohkelasside.*

Rohkelassen mænngan, sjeahta sjeavohth árrodh gosse daejtie baakojde jeahteme:

L | *Sjeavohth libie gosse ussjedibie j'ih rohkelibie.*

Dellie Kyrije eelesån sjeahta.